

# Mei Schwiegermuatter ist a Schindluader

Zungenfertigkeiten - Schnaderhüpfel

Und mei Schwie - ger - muat - ter ist a Schind - lua - der, kocht die  
Kraut - nu - dl nöt gar guat, wenn sie ster - b'n tät, dass i  
ör - b'n kannt, wurd'n die Kraut - nu - dl wie - der guat.  
Ho dra la la la la la la la, dra la la la la  
la la la la la, dra la la la dra la la la, dju, ha ha ho!

2. An iade Kellnerin hat an' Schliessbeut'l, an iader Jäger, der hat a Bix,  
an iades Baur'nmadl hat an' Bau'rbua; aber unseraaner der hat nix.
3. 's Diandl hat an' schian Singvoglzeisl, drinnen in an' grian' Turnvoglhäusl;  
Singvogelzeisl sing, in den grian Turnvogelhäusl drinn'!
4. A bissl kurz und a bissl lang, a bissl ummerrammeln auf der Bank,  
a Batzl Kraut und a Stümpfl Wurt, und a Glasl Wein k'heart für'n Durst.
5. A bisl windisch und a bisl teutsch, a Stückl Supp'n und a Lackl Fleisch,  
a Stümpfl Wein und a Glasl Wurst, und an' Oll'n Bier hilft für'n Durst.
6. An' Wintermatl mit an' Butterfassl und a Rührschaffl mit a Bassgeig'n,  
und a Nudlsupp'n mit a Mistgabl han i nia göss'n af d'Nacht.
7. Tua mar nix dann für üb'l aufnehmen, wenn mar öpper nimmer tat'n z'sammenkemmen;  
han diar a nix für üb'l diar, wenn mar nimmer z'sammenkemmen tat'n miar.
8. Und an' Unterkittl zun an' Überkittl, und an Eardöpfl um an Hals,  
und a Mistgabl zun ar Hoornodl, Mein' Diandl kaf i all's.
9. Tippl, tippl, tapp, Sauschneiderjaggl, lass diar af'n O . . a halbes Bröttl ummipapp'n;  
willst oder willst nöt, pappet's oder pappet's nöt.
10. In der Au draussen steht a Wirtshaus, und a Kellnerin steht dabei,  
die hat a Hagglnos'n, tuat Trompet'n blas'n, macht a Maul wia a Papagei.